



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XXXVI. De collatione Lecturarum in Provincia Castellæ Erem. S. Augustini.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Ad Quartum. Procuratorem Generalem eligendum esse a Diffinitorio tam Capituli Generalis, quam Capituli Intermedii, & in casu illius deficientiæ ob mortem, renunciationem, vel aliam quamcumque causam extra tempus prædictorum Capitulorum, eligendum esse a Patre Generali, cum approbatione Sanctæ Sedis Apostolicæ usque ad Capitulum Generale, seu Capitulum Intermedium proxime futurum, ita tamen ut ipse Procurator Generalis nunquam eligi possit ex illa Provincia, ex qua sit Generalis.

Ad Quintum. Proxime futurum Capitulum esse convocandum, & celebrandum in Urbe.

Ad Sextum. Titulos esse conferendos juxta modum præscriptum in Constitutionibus Urbanis pro Minoribus Conventualibus. Titul. 21. num. 5.

Ad Septimum. Patrem Generalem, non posse, nec debere deputare Commissarium Generalem, nisi quando ipse egreditur fines Italiæ, & pro eo dumtaxat tempore, quo extra Italiam commoratur.

Ad Octavum. Exhibenda, & examinanda esse Decreta, ut asseritur facta, non retardata interim eorumdem executione. Romæ die 29. Maji 1693.

Et facta Sanctissimo de præmissis relatione, Sanctitas Sua Congregationis Sententiam in omnibus benigne probavit. Romæ 6. Octobris 1693.

§. 1. Cum autem sicut Venerabilis Frater noster Alderanus Episcopus Ostien. S. R. E. Cardinalis Cybo nuncupatus dicti Ordinis apud Nos & Sedem Apostolicam Protector Nobis subinde exposuit, ipse Decretum hujusmodi quo firmius subsistat, & fervetur exactius, Apostolicæ confirmationis nostræ patrocinio communiti plurimum desideret. Nos ipsum Alderanum Episcopum Cardinalem, & Protectorem specialis favore gratiæ prosequi volentes, ejus supplicationibus Nobis super hoc humiliter porrectis inclinati, Decretum præinsertum, ac omnia, & singula in eo contenta, & expressa, auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet intervenerint supplemus.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quancumque spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, nec non quatenus opus sit dicti Ordinis, aliisve quibusvis, etiam Juramento, confirmatione Apostolica, aut quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, & insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earundem præ-

sentium Literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XIX. Octobris, MDCXCIII. Pontificatus nostri Anno Tertio.

Confirmantur Decreta super collatione Lecturarum Provinciæ Castellæ FF. Eremitarum S. Augustini.

Agitur de numero Magistrorum Const. ed. 1692. Sept. 28. P. 2. Et Clem. XI. Const. ed. 1710. Maji 20. P. 10.

INNOCENTIUS PAPA XII.

Ad futuram rei memoriam.

EXponi Nobis nuper fecit dilectus filius Alphonsus Dominguez Frater expresse Professus Ordinis Eremitarum Sancti Augustini, ac Procurator Provinciæ Castellæ dicti Ordinis, quod alii nempe die 4. Octobris 1691. tunc existentes Prior Generalis, & Diffinitorium ejusdem Provinciæ in Capitulo intermedio congregati pro recta Studiorum ipsius Provinciæ dispositione Decretum, quo modus conferendi Lecturas ejusdem Provinciæ præscribitur, ediderunt tenoris, qui sequitur, videlicet: Diffinitorium Provinciæ Castellæ S. P. N. Augustini in Capitulo intermedio congregatum die quarta Mensis Octobris anno Domini 1691. Cum mature consideraverit quantum interfit Provinciæ recta Studiorum dispositio, & quod Lecturæ conferantur Benemeritis, decernit omnes Lecturas Artium hujus nostræ Provinciæ conferri debere publico oppositionum concursu, hoc ordine faciendum. Assignatur dies fixa, & certa ad incipiendas oppositiones feria secunda post Dominicam quintam post Pascha cujuscumque anni, & habita licentia Rev. admodum Patris Provincialis pro tempore existentis (quæ nisi iis, qui per quatuor integros annos Theologiam audierint non est concedenda) venient Matritum promovendi, afferendo secum testimonium suæ Professionis, & illis secundum ipsorum antiquitatem, assignabitur dies ad legendum, itaut antiquior incipiat dicta feria secunda, & leget quotidie unus, aut duo, si PP. Judicibus concursus bene visus fuerit, assignatis punctis, in Aristotele, sicut mos est in examinandis Artium eligit unum, supra quod intra spatium 24. horarum leget lectionem unius horæ completæ in Gymnasio Theologico nostri Collegii Matriten. Domine Mariæ de Aragon coram omnibus, sicut fit in oppositionibus Cathedralium Universitatum, & post lectionem arguet unus ex Oppositoribus, qui immediate legerit, & contra primum legentem arguat ultimus in antiquitate; postea arguent ambo Patres Regentes dicti Collegii, & si liberit aliquis ex Patribus Judicibus concursus, itaut in arguendo altera consumatur hora; Finitis autem oppositionibus, ultima die convenient Patres Judices, & secundum Deum, & sanam conscientiam suis suffragiis, schedulis in scriptis, declarabunt quisnam ex Oppositoribus sibi magis benemeritis videatur, & qui per plura suffragia primus reperietur, ita publicabitur, & scribetur, ut talis, & procedetur ad secundum, & ad tertium, & ad cæteros, & si contigerit duos ex Oppositoribus, æqualia suffragia sortiri, ambo in ipso gradu scribantur in Libro, quem mandamus asservari semper ad hunc effectum in Archivo

Approbatio Pontificia hujus Decreti.

Preces Card. Protectoris.

Confirmatio relati Decreti.

Clausula.

XXXVI.

Dat. 19. Oct. 1693. An. 3.

Decretum Diffinitorii Provinciæ anno 1691. die 4. Oct.

diæi

dicti Collegii D. Mariae de Aragon, in quo singulis annis scriberetur oppositio facta, Oppositores, & in quo gradu, & Ordine quis approbatus fuerit, quod totum subscribetur a Patribus Judicibus concursus infra designandis. Et copia dictae oppositionis, & regula subscripta utique a dictis Patribus remittetur Reverendo admodum Patri Provinciali pro tempore existentem, qui sub poenis a Rmo Patre Generali praescribendis hujus confirmatione Decreti, Lecturas distribuet, eo ordine, quo fuerint approbati a Patribus Judicibus concursus, conferendo meliorem priori in ordine designato, secundam in secundo, & non aliter. Declaramus in primo gradu esse Lecturas Conventuum, qui vocantur magni, & inter eas Pamplonensem. Nominamus in Judices concursus Rev. admodum Patrem Provinciale pro tempore existentem, quatuor Patres Magistros antiquiores in Provincia, qui tempore concursus potuerint interesse, & duos Patres Regentes dicti nostri Collegii. Etsi aliquis ex quatuor Patribus Magistris defuerit legitime impeditus ejus loco intererit Magister antiquior ab illis, etsi defuerit aliquis ex Regentibus, ejus loco ingreditur Lector jubilatus antiquior, qui tempore concursus fuerit Matrui; Etsi Pater Lector Collegii defuerit, ejus locum supplebit Pater Rector absolutus immediatus existens Matrui tempore oppositionum, ita ut semper sint septem ad minus Judices dicti Conventus. Item declaramus Oppositores, qui in una oppositione Lecturam non obtinuerint, posse adhuc admitti ad secundam, & tertiam pro distinctis annis. Attamen ter repulsam passum incapacem, ut amplius admittatur ad similes oppositiones, nec Rev. Pater Provincialis pro tempore existens licentiam amplius concedere possit, ut se ad concursum exponat, & a Judicibus nullatenus admittatur sub poenis a Reverendissimo Patre Generali praescribendis, prout sibi bene in Dño videbitur expedire. Et subinde tunc etiam existens Prior Generalis ejusdem Ordinis Decretum praesens confirmavit per suum pariter Decretum tenoris sequentis, nempe - Magister Frater Fulgentius Travalloni a Monte Elparo Giorginas totius Ordinis Fratrum Eremitarum Sancti Patris nostri Augustini Prior Generalis. Cum Decretum supra relatum de promovendis ad Lecturas in nostra Provincia Castellae, praevio concurrentium examine, augmento studiorum, & doctrinae valde utile futurum sit, illud vigore praesentium, nostrique muneris auctoritate, necnon de consilio admodum Reverendorum PP. Assistentium approbamus, & confirmamus, atque pro ipsius inviolabili executione praecipimus Patri Provinciali pro tempore existentem, ceterisque concursus Judicibus assignatis in virtute Spiritus Sancti, & sub poena privationis utriusque vocis, & inhabilitatis ad omnia officia omnibus futuris temporibus obtinenda, nec ad Lecturas Artium aliter admittant, aut promoveant, nisi sub praescriptis memorati Decreti conditionibus, prout concurrentes majori praerogativa fuerint digniores. Quod si secus fieri contigerit, aliqui praemissarum conditione omissa, tam Pater Provincialis, quam Judices superius praefixis poenis, ipso facto subiaceant & nihilominus promotiones ipsae Lecturarum irritae, ac nullius valoris habeantur. Datum in Conventu Sancti Patris Augustini de Urbe die 5. Junii 1692. Frater Fulgentius Travalloni Prior Generalis - Magister Nicolaus Serrano Ordinis Secretarius.

Decretum Prioris Generalis approbans relatum Decretum.

Præces Procuratoris Provinciae.

§. 1. Cum autem, sicut eadem expositio subjungebat, dictus Alphonsus Procurator Decreta hujusmodi, quo firmius subsistant, & ferventur exactius, Apostolica confirmationis nostrae patrocinio communiti summopere desideret: Nos eundem Alphonsum Procuratorem specialibus favoribus, & gratis prosequi volentes,

& a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati de Venerabil. Fratrum nostrorum Sanctae R. E. Cardinalium negotiis, & Consultationibus Episcoporum, & Regularium praepositorum consilio, Decreta praesenserta a memoratis Priore Provinciali, & Diffinitorio, ut praefertur, cum omnibus, & singulis in eis respective contentis auctoritate Apostolica tenore praesentium confirmamus, & approbamus; illisque inviolabilis Apostolicae firmitatis robur adjicimus, salva tamen semper in praemissis auctoritate Congregationis memoratorum Cardinalium.

Confirmatio relatorum Decretorum.

Clausula.

§. 2. Decernentes ipsas praesentes literas semper firmas, validas, & efficaces existere, & fore suosque plenarios, & integros effectus sortiri, & obtinere, ac illis ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: Sique in praemissis per quoscumque Judices Ordinarios, & Delegatos, etiam causarum Palatii Apostolici Auditores, judicari, & definituri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus praemissis, ac Constitutionibus, & Ordinationibus Apostolicis, ac quatenus opus sit, Provinciae, & Ordinis praedictorum, etiam juramento, confirmatione Apostolica, vel quavis firmitate alia roboratis Statutis, & consuetudinibus; Privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus, pro plene, & sufficienter expressis, & insertis habentes, illis alias in suo robore permansuris ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris die XIX. Octobris MDCXCIII., Pontificatus nostri Anno Tertio.

Conceditur, & statuitur, ut studentes Cœnobiorum S. Marci Florentin., Sancti Dominici Fesulan., S. Jacobi, S. Miniatis sua studia peragant in Cœnobiis strictae Observantiae, & Lecturas obtinere queant.

XXXVII.

De numero Magistrorum vide Inn. XI. Const. edit. 1677. Nov. 20. P. 2. Et hujus Pontificis Const. ed. 1695. Sept. 22. P. 5. Const. vero ed. 1697. Julii 23. P. 6. agitur de electione Lectorum Congregationis S. Marci.

INNOCENTIUS PAPA XII.

Dat. 20. Oct. 1693. An. 3.

Ad futuram rei perpetuam.

Militantis Ecclesiae regimini, meritis licet imparibus, divina dispositione praesidentes, ad ea per quae Christianissimum Altissimi obsequiis sub suavi Religionis jugo mancipatorum, laudabilibusque institutis suis inherentium, statui, & felici directioni opportune consulitur, propensis studiis intendimus, ac in illis commissi Nobis calitus officii partes interponimus, sicut rationi consentaneum esse in Domino arbitramur.

Exordium.